

## COVID-19

### Zaštita zdravlja i sigurnosti na radu: Informacije radnicima

Na osnovu modela zakona o Zaštiti zdravlja i sigurnosti na radu, poslodavac je dužan pobrinuti se o zdravlju i sigurnosti svojih radnika i drugih na radnom mjestu.

#### Šta radnici trebaju da urade?

Vaša je obaveza da vodite računa o vlastitom zdravlju i sigurnosti i da ne utičete štetno na zdravlje i sigurnost drugih.

Morate se držati razumne politike ili uputstava koje je poslodavac postavio u vezi zaštite od COVID-19. Ovo se odnosi i ako radite s neke druge lokacije, na primjer od kuće.

#### Šta poslodavci moraju uraditi?

Vaš poslodavac mora utvrditi rizike po zdravlje i sigurnost na radu od izloženosti virusu COVID-19 i, kad god je to moguće, uspostaviti odgovarajuće mjere kontrole. Mora se držati vladinih uputstava, uključujući i održavanja odgovarajućeg [fizičkog razmaka](#) – tako da svi na radnom mjestu budu fizički udaljeni najmanje 1.5 metar.

Rizici od virusa COVID-19 mogu biti fizički ili psihosocijalni.

Što vaš poslodavac može uraditi da bi se smanjio rizik od izlaganja virusu COVID-19 zavisi od vašeg radnog mjesta i posla koji obavljate. Poslodavac bi trebao razgovarati s vama o tome šta planira uraditi.

Može:

- uspostaviti mjere da se izbjegava bliski kontakt između ljudi - da svi na radnom mjestu budu fizički odvojeni najmanje 1.5 metar.
- napominjati svima na radnom mjestu da upražnjavaju [dobru higijenu](#) osiguravši pristup odgovarajućim higijenskim prostorijama kako bi radnici mogli prati ruke sapunom i vodom najmanje 20 sekundi ili koristiti sredstva za dezinfekciju ruku na bazi alkohola
- omogućiti pristup ličnoj zaštitnoj opremi
- pojačati čišćenje na radnom mjestu
- ograničiti drugim ljudima pristup radnom mjestu
- odrediti vam da radite s nekog drugog mjesta, na primjer od kuće - imajte na umu da se to može promijeniti, povećati ili stvoriti opasnost po zdravlje i sigurnost na radu

#### Šta trebam uraditi ako mislim da imam COVID-19?

Trebate:

- [tražiti medicinski savjet](#)
- ne ići na posao
- što prije obavijestiti poslodavca i javiti ako je došlo do promjene vašeg stanja, na primjer, ako je potvrđeno da imate virus

### **Mogu li prestati da radim ako na poslu nije sigurno?**

Ako ste zabrinuti za svoju sigurnost, obratite se svom poslodavcu ili predstavniku za zdravlje i sigurnost (HSR).

U nekim okolnostima radnici imaju pravo zaustaviti ili odbiti obavljanje nesigurnih poslova. To pravo imate ako postoji opravdana zabrinutost da biste bili izloženi ozbiljnom riziku od neposredne opasnosti po zdravlje i sigurnost - to može uključiti izlaganje virusu COVID-19.

Ako prestanete raditi zato što je opasno, o tome morate što prije obavijestiti svog poslodavca. U tom slučaju morate biti na raspolaganju za obavljanje odgovarajućih alternativnih poslova, kao što je rad od kuće.

### **Više informacija**

Informacije o zdravlju i sigurnosti na radu potražite na [Safe Work Australia website](#)

Informacije o vašem dopustu i plaćanju potražite na [Fair Work Ombudsman](#)

Za zdravstvene informacije, posjetite [health.gov.au](http://health.gov.au)

Napominjemo da su modeli WHS zakona primijenjeni u svim jurisdikcijama osim Viktorije i zapadne Australije. Za informacije specifične za vašu lokaciju posla obratite se odgovarajućem [WHS regulatoru u svojoj državi ili teritoriju](#).